



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

§. IV. De Occurrentia, & Concurrentia Festorum duplicium minorum.

urn:nbn:de:hbz:466:1-39937

§. IV.

De Occurrentia, & Concurrentia Festorum duplicium minorum.

FESTA DUPLICIA MINORA per annum sunt ac dicuntur illa, quæ cum non sint duplicia 1. aut 2. Classis, nec etiam duplicia majora per annum, habent in Calendario (seu Universalis seu Particularis Ecclesie) adscriptam vocem *Classis*. Ipsdem accensendas condat Arnaudus Epit. Tr. 2. P. 1. T. 2. dies Octavas Festorum habentem *Octavam non privilegiatam*, supra non exceptas. Idem ibidem addit quæ sequuntur, scil. 1. de Sancto, cujus habetur insignis Reliquia, concedatur Officium, fit duplex minus per annum, ita decernente Sac. Congregatione 25. Nov. 1602. et simul observandum ejusdem Sac. Congregat. Decretum de anno 1691. 19. Octobr. supra Tit. 2. f. 26. et 17. adductum. 2. Ritu quoque duplici celebratur *Translatio Patroni principalis loci*. 3. Festa Beatificationum aequalia sunt Festis Canonizatorum, dummodo sint ejusdem ordinis : at observanda sunt pariter superius à nobis indicata.

De Occurrentia Festorum duplicium minorum per annum.

1. **S**I Festum duplex minus occurrat in die, quò simul occurrit Festum duplex 1. vel 2. Classis, aut etiam duplex majus, v. g. Festum Nominis B. V. die 10. Septembris in Festo S. Nicolai de Tolentino (quorum prius est duplex majus, posterius verò duplex minus) tunc translato duplici minore in diem proximam aliã non impeditam Festò 9. Lectionum, Officium, & Missa fit die illo de duplici 1. vel 2. Classis, aut de duplici illo majore. Idem est si Festum duplex majus incidat in *Feriam*, aut *Vigiliam* aliquam privilegiatam præcedenti §. n. 1. enumeratam.
2. Si Festum duplex minus occurrat in *Dominica* majore seu 1. seu 2. Classis, tunc ipsum pariter Transfertur in diem Festò 9. Lectionum, aut simili *Dominicã*, vel *die privilegiatã* non impeditam, Officium verò, & Missa dicuntur de *Dominica*.
3. Si Festum duplex minus occurrat in die, quò simul occurrit

Do-

Dominica minor, Officium & Missa fit de *Festo*, cum Commemoratio-
ne, & 9. Lectione, ac ultimò E-
vangeliò de *Dominicâ* suis locis, ut
suprà §. 3. præcedent. n. 4.

4. Si *Festum duplex minus* inci-
dat per accidens in diem, quò a-
liud *duplex minus* simul occurrit, pro-
ceditur pariter, ut suprà §. 3. præcedent.
n. 3. f. 126. Accidit Tolosæ (inquit Ar-
naudus Epit. Tr. 2. P. 1. Tit. 10. n. 3.)
Causa particularis 1635. die 14. Jun:
Occurrerunt enim eodem die tria
Officia duplicia, nempe diei *Octava Cor-
poris Christi*, dein *Translatio S. Exu-
perij*, & *Festum S. Basilij Magni*: *O-
ctavæ* in hoc casu cessit *Translatio*,
at *Translationi* utpote solenniori (*Fes-
tum* enim ibi *Populi* est, adeoque
in foro celebre) cessit *Festum S. Ba-
silij*: & quoniam singulis annis oc-
currunt duo *Festa* posteriora ibi ea-
dem die, idcirco assignandus esset
certus dies *Festo S. Basilij* autori-
tate majorum, ut ibidem monet Ar-
naud.

5. Si *Festum duplex minus*, &
Festum semiduplex simul occurrant eo-
dem die, Officium, & Missa fit de pri-
mo, *Translatio* autem de secundo
in diem proximam *Festo* 9. Lectionum,
aliave die privilegiata non im-
peditam: *Festi* autem 9. Lectionum
nomine (ut aliàs sepe Gavanto teste)
ita hic quoque venit *Dominica*, non
tantum major, sed etiam minor, sive
per annum, quæ respectu *Festi*, quod

die suo proprio celebrari non potest,
est dies pariter impedita, quò minus
in eam *Festum* aliquod semiduplex,
imò & duplex (regulariter loquen-
do) transferri possit; dies autem in-
fra *Octavam* aliquam non privilegia-
tam occurrens quemadmodum re-
spectu *Festi duplicis* translati modo
modò est dies impedita, ita etiam
respectu *Festi semiduplexis* translati
non est saltem simpliciter, & aliò
seu pro omni casu impedita, sed tan-
tùm respectu translati ultra primi-
mè sequentem diem juxta alibi
dicta & dicenda: Unde si *Festum* se-
miduplex occurrat in *Dominicâ* infra
Octavam non privilegiatam, & se-
quente *Feriâ II.* non licet faciendum
de *Festo* alio 9. Lectionum (seu du-
plici, seu semiduplici, occurrente, vel
duplici etiam translato) tunc potest
in illam *Feriam II.* transferri *Festum*
semiduplex, non autem, si *Feriâ III.*
II. sit impedita *Festo* aliò 9. Lectionum
occurrente (seu duplici, seu semidup-
plici) aut etiam duplici translato:
tunc enim *Festum* semiduplex oc-
currens infra *Octavam*, utpote ultra
unum diem proximè sequentem translato-
rum; transferri debet post *Octava-*
vam: à fortiori transferri debet
post *Octavam* *Festa semiduplexia* oc-
currentia ante *Octavam*, si de suo
proprio ante illam celebrari non
potuerunt. Hinc si *Festum semiduplex*
occurrat infra *Octavam* ss. *Cor-
poris Christi* (per Rubricam novam
Mil-

Missalis Rom. excludentem Festa semiduplicia etiam occurrentia) illamque Octavam immediatè sequantur Octava S. Joannis Baptista & Ss. Apostolorum Petri & Pauli, aut insuper quaedam adhuc alia particulae Octava, v. g. Dedicacionis Templi, transferri id Festum semiduplex debet post omnes Octavas. Vid. P. Lohm. Instr. pract. 2. P. 1. Tit. 5. §. 1.

6. Si Festum duplex minus, & infra Octavam eodem die simul occurrant, Officium & Missa regulariter quidem dicuntur de Festo, de die autem infra Octavam fit Commemoratio in Officio & Missa suis locis. Excipitur tamen 1. Octava Epiphaniae, infra quam non fit de ullo Festo 9. Lationum, nisi sit Festum Patroni principalis, aut Titularis propria Ecclesiae, aut hujus Dedicatio, seu Festum 1. Classis. Excipitur 2. Octava Paschae & Pentecostes, infra quas, utpote privilegiatas 1. Classis, non fit de ullo Festo 9. Lationum, sed omne infra eas occurrens est transferendum. Excipitur 3. Octava SS. Corporis Christi, infra quam non fit de Festo semiduplex, sed omne tale Festum infra eas occurrens est pariter transferendum.

Si contingat, ut duo Festa duplicia occurrant eadem die infra Octavam, v. g. in Ecclesia aliqua parochiali, quae fortè celebret Octavam Patroni loci, aut aliam, infra quam

[[Pars III.]]

potest occurrere duplex ex Festis mobilibus una cum duplici alio per annum in Calendario Romano descriptum, eo casu transferri debet duplex per annum minus dignum in primam diem similiter non impediam.

Quod si infra Octavam aliquam non privilegiatam una cum Festo duplici occurrat simul Feria major quatuor Temporum, aut Feria II. Rogationum, tunc Missa ordinanda est juxta Rubric. III. Missal. n. 2. In Ferijs Adventus autem ordinantur Officium & Missa Festorum duplicium, infra Octavas occurrentium, ut supra Tit. de Octavis num. VIII.

7. Si Festum duplex minus incidat in diem, quò simul occurrit Festum simplex, Officium & Missa dicuntur de Festo duplici minore, de Festo simplici autem fit Commemoratio in 1. Vesperis, Laudibus, ac Missa: Quòd si Festum simplex simul occurrens habeat propriam Lektionem (unam vel duplicem) dicitur etiam de illo 9. Lectio in Officio, nisi simul occurrat Dominica, vel Vigilia, vel Feria major habens proprium Evangelium: tunc enim observanda sunt illa, quae §. 3. praecedenti de Occurrentia Festorum duplicium majorum n. 9. in medium sunt allata. Vide etiam quae dicta sunt supra §. 2. de Occur. Festor. 2. Classis n. 9. ante; ac circa finem.

8. Si Festum dupl. minus inci-

[[S]]

ci.

cidat alicubi in diem, quò alioquin in Ecclesia universali fit de S. MARIA in Sabbato, aut de FERIA aliqua minore, Officium, & Missa fit de Festo, nihil autem omnino fit illò annò, aut locò de B. M. in Sabbato, aut FERIA minore.

9. Si Festum duplex minus, & FERIA major eadem die simul occurrant, Officium & Missa circa utrumque ordinantur ut supra §. 1. num. 12. de Occurr. Festor. dupl. 1. Classis, & FERIA majoris est dictum.

10. Si Festum duplex minus occurrat eodem die, quò simul occurrit VIGILIA, Officium & Missa ordinantur ut supra §. 2. n. 12. in occurrentia Festi duplicis 2. Classis ac VIGILIA declaratur. Et hæc de Occurrentia Festorum duplicium minorum. Jam etiam videamus

De Concurrentia Festorum duplicium minorum.

1. SI Festum duplex 1. vel 2. Classis, aut Festum duplex majus in secundis Vesperis suis concurrat cum Festo duplici minore, non dicuntur hujus primæ Vesperæ de ipso, sed integræ dicuntur de Festo illo duplici 1. vel 2. Classis, aut Festo duplici majore præcedente, de duplici autem minore subsequente fit tantum Commemoratio; cui superadditur Commemoratio Dominicæ sequen-

tis, si quæ sequatur, aut etiam antecedentis, si quæ antecesserit, vel occurrentis FERIA majoris Adventus, aut Quadragesima, vel Festi simplicis sequentis, nisi Festum præcedens fuerit duplex 1. vel 2. Classis; tunc enim, ut supra dictum, non fit Commemoratio de illo simplici; sed quòd duplicia 1. Classis Commemoratione Festi simpl. non tantum à suis primis, sed etiam secundis Vesperis excludant, à quibus tamen non excludunt, per se loquendo, Classis 2. Classis.

2. Si Festum duplex minus concurrat in 1. Vesperis cum illo duplici minore, regulariter dividuntur Vesperas, adeoque usque ad Caput dicuntur de præcedente, à Capitulo verò de sequente. Dixi regulariter; nam si unum sit Festum B. V. non item alterum, tunc Vesperæ in concursu duorum duplicium minorum dicuntur integræ de B. V. tanquam digniore, cum Commemoratione alterius minus digni, & g. in casu, quo Festum S. Mariae de Mercede Redempt. Captivorum, & juxta Directorium Romanum, & Breviaria emendatiùs impressa, facta in Ecclesia universali est tantum duplex minus) aliquando, aut alibi in Vesperis Concurrat cum alio duplici minore. Neque hoc est contra Rubricas, aut Tabulam Commemorationis; non contra illas, quia Rubrica de Concurr. n. 2. dum ait: duplicia in

in primis Vesperis, si utraque sint
eiusdem solemnitate, seu Ritus, di-
videre Vesperas, ibidem expressè
addit: id tantum regulariter fieri,
& nisi aliter in proprijs locis annotetur;
non contra Tabulam Concurrentia; quia
illa est potissimum, ac ferè tantum
de ijs, quæ regulariter v̄ Rubricarum
circa Concurrentiam Festerum so-
lent, ac debent observari, non ex-
primendo omnes Exceptiones, ac
Dispositiones particulares, præsertim
illas, quæ tamen sicuti Rubricis
Generalibus non uno in loco suc-
cessu Temporis insertæ sunt (uti pa-
bit conferenti Rubricas Genera-
ta recentissimis Breviarijs & Missal-
prelixas cum præfixis Breviar: & Mis-
silibus minus recentibus) ita forsan e-
tiam novæ Dispositiones, Exceptio-
nesque à Communibus Rubricarum
Legibus Successu Temporis Tabu-
la tam Occurrentia, quam Concurrentia
ad utriusque calcem superadden-
tur. Idem est, si dies Octava B. V.
concurrat cum Festo duplici minore v.
dies Octava Assumptionis B. V. cum
Festo duplici S. Philippi Benitij; tunc
etiam pridie S. Philippi Benitij Ve-
esperæ integræ dicuntur de B. V. de
S. Philippo autem fit in Ecclesia u-
niversali tantum Commemoratio;
quod ex Decreto Sacr. Rit. Con-
gregation. de anno 1691. 11. August.
(supra non semel allegatò) quæ-
riturque dies Octava B. V. habere de-
beat integras utrasque Vesperas in

Concurrentia cum Festo duplici mino-
re: id quod modò etiam Rubricæ
XI. n. 7. insertum legitur in recen-
tissimis Breviarijs. Econtra 1. &
2. Vesperas Ss. Angelorum Custodum,
ibi, ubi eorum Festum cum
Ecclesia universali celebratur die
2. Octobris sub Ritu tantum dupli-
ci minore, dividendas esse à Capi-
tulo, si concurrat cum Festo duplici
minore, aliqui decretum esse ajunt
à Sac. Rit. Congregatione 1698. die
27. Septembr. Et ratio potest esse;
quia licet dignitas Personarum et-
iam quoad Angelos, & Apostolos at-
tendatur quantum ad ordinem faci-
endi de illis Commemorationem
inter Suffragia v. g. Communia &c.,
in ordine tamen ad recitandum Of-
ficium non perinde ea attenditur
quoad Festa Angelorum, & Apostolo-
rum Festis alijs, quæ sunt eiusdem
Classis, præferenda, ac eadem quoad
hoc attenditur circa Festa Christi (quæ
omnibus alijs præferuntur, & inte-
gras habent utrasque Vesperas) at-
que etiam circa Festa B. V. quæ Fe-
stis aliorum Sanctorum, demummodo
hæc non sint altioris Classis, pariter
præferuntur, id quod alibi annota-
vimus, non obstantibus ijs, quæ
scribit Gav. To. 2. f. 3. c. 9. n. 3. Ve-
rum his jammiam pro Typo descri-
ptis incidit in Libellum, cui Titu-
lus: Directorium Canonicum, à
D. Henrico Pisart Ordinis Canoni-
cor. Regular. S. Augustini conferi-

[[S 2]]

ptum,



ptum, & 1713. in lucem editum, in quo *Propr. Sanctor.* §. 3. n. 1. afferit: extra ditiones Imperij celebrari *Festum Ss. Angelorum Custodum non nisi Ritu duplici minore*, sic tamen, ut in concursu cum *alio duplici minore* habeat *Vesperas integras*, additque, ita declarasse Sac. Rit. Congregat: die 12. Julij 1704. *cujus declarationi standum erit, siquidem de ea authenticè conser.* Vide interim dicta P. II. die 1. Octobr. f. 318. &c.

3. Si *Festum duplex minus in I. Vesperis* concurrat cum *antecedente Dominica* quacunque, aut *Festo antecedente semiduplici*, *Vesperæ integræ* dicuntur de sequente *duplici minore*, cum Commemoratione præcedentis *Dominica*, aut *Festi semiduplicis*. Excipitur *Festum S. Silvestri*; nam casu, quò *Festum S. Thomæ Cantuariensis*, veniens in *Dominica infra Octavam Nativitatis Domini*, transfertur in diem 30. Decembris, *Vesperæ primæ S. Silvestri* dicuntur usque ad *Capitulum de Nativitate Domini* (sub *Ritu* tamen *duplici*, hoc est duplicando *Antiphonas*) *Capitulum* verò & reliqua tantum dicuntur de *S. Silvestro*, cum Commemoratione *S. Thomæ Cantuar.* & 4. *Octavarum*, ut ibi, & in propria *Rubricâ*, præfixâ *Festo S. Thomæ Cant.* Si autem dies proxime præcedens *Festû S. Silvestri* fuerit *Dominica*, aut ipsû *Festû S. Silvestri* venerit in *Dominica*, tunc *I. Vesp.* &

rotû *Officium S. Silvestri*, ordinatur modò, pro utroq; hoc casu à propriis *Rubricis* præscriptò in *Brev. Rom.*
4. Si *Festum duplex minus in I. suis Vesperis* concurrat cum præcedente *die infra Octavam*, *Vesperæ* dicuntur de *Festo*, & fit *Commemoratio de die infra Octavam*.

5. Si *Festum duplex minus* concurrat in *I. suis Vesperis* cum præcedente *die Octava non privilegiata*, *Vesperæ* regulariter usque ad *Capitulum* dicuntur de *die Octava*, à *Capitulo* verò de *Festo duplici sequente*, cum Commemoratione *diei Octava*. Exemplum hujus rei suppeditant nobis *Breviarium Roman.* die nonæ *Novembris* in *Festo Dedicatæ Basilicæ S. Salvatoris*, *cujus primæ Vesperæ* dicuntur usque ad *Capitulum de præcedente die Octava omnium Sanctorum*, à *Capitulo* verò de sequenti *Festo Dedicatæ prædictæ Basilicæ*, cum Commemoratione *Octava omnium Sanctorum*, & insuper *Festi simplicis subsequentis*, ut ibi: *Dixi autem: cum die Octava non privilegiata*, item: *regulariter*. Ratio Limitationis est primò, quia in *2. Vesperis diei Octava Epiphaniæ, Paschæ, Ascensionis Domini, & Corporis Christi* de sequenti *duplici* fit tantum Commemoratio, nisi istud fuerit *I. vel 2. Classis*, seu *Patronus*, vel *Titulus*, aut *Dedicatio propria Ecclesie*; quia tunc de *Festo* foret *Officium*, & de *Octava* Commemoratio

moratio, idque ex præſcripto Rubricæ extantis poſt Tabulam Concurrentiæ. 2. quia, ut ſuprà dictum, quæcunque dies Octava B. V. M. integras habet utraſque Veſp. in Concurrentia cum Feſto duplici minore.

6. Admittit præterea Feſtum duplex minus in 1. ſuis Veſperis etiam Commemorationem Feſti ſimplicis ſubſequentis, item occurrentis Feria majoris Adventûs, & Quadrageſimæ, de quibus tamen feriis faciendâ eſt Commemoratione ante Commemorationem Feſti ſimplicis, ſi quod altera die ſequatur. Non autem admittit in ijs Commemorationem illarum Feriarum, etiam majorum, nec de B. V. in Sabbato (utpote quantum Officium jam fuit terminatum ad Nonam) nec etiam Commemorationem Vigiliæ, utpote quæ habet Commemor: in ſolis Laudibus, exceptâ Vigiliâ Epiphaniæ Domini, de qua fit ſemper Commemoratione quocunque die occurrente, non modò in Laudibus, ſed etiam in pridianis Veſperis. Cæterum veniam mihi dabit benignus lector, quòd agens hoc Titulò ex inſtituto de Concurrentia Officij, tum hic, tum alibi ex accidenti interſeram nonnulla de Occurſu (puta ſuprà dictarum Feriarum, &c) non confundendo utique cum concursu : quia id non eſt Titulò Concursûs, ſed concomiter, ſive ratione alicujus habentis connexionem hic & nunc cum eo,

¶ S ¶

quod cum alio in alterutris ſuis Veſperis concurrat, ob faciendam v. g. vel non faciendam de ipſo Commemorationem &c; nec Supervacaneè, aut citra prudentem rationem id à me fieri exiſtimandum eſt; tum quia 1. proſtitum hoc ipſum mihi fuerat, ut oſtenderem, quòd ſicuti juxta Rubr. XI. de Concurr. n. 9. Feria non poteſt concurrere cum alio Officio in 2. Veſperis, ita neque poſſit eſſe juxta eandem Rubric: cum ea concuſus in 1. Veſperis, ſed, ſi aliquando, ut ibidem in fine ejus numeri dicitur, in Concurrentia aliorum Officiorum fieri de ipſa debeat Commemoratione in 1. Veſperis, id non fiat ratione Concursûs, ſed quòd eo die, quò Officium Feriarum majorum Quadrageſimæ, aut Adventûs impeditur Officiò 9. Lectionum, illarum Commemoratione ratione Temporis ex præcepto Eccleſiæ prætermitti non debeat, modò tamen ibi præſcriptò; tum quia juxta alibi dicta proſtitum mihi fuerat non tantum ſervire Neceſſitati, ſed etiam Commoditati Lectoris, minùs præfertim adhuc in re Rubriciſta eruditi, ac exercitati, non tantum non nauſeantis, ſed gratum habentis, ſi ei omnia ſub unum quodammodo ſimul & ſemel obtutum ponantur, quæ ad ordinandum in hac aut illa Concurrentia, vel Occurrentia congruenter Officium eum ſcire oportet, ac obſervare, ne operoſè unum in hoc,

al-

alterum in alio loco indagare cogatur. Et hæc ipsa est ratio, ob quam, agens de Occurrentia, & Commemorationibus, etiam incidenter egerim, ac agam de dicenda 9. Lectione de *Feflo fimplici*, aut *Vigilia*, vel *Feria majore*, in Feflis 9. Lectionum non rarò occurrentibus, quantumvis ea Materia non ad eos Titulos, sed ad alium fpectet per fe loquendo. Ob eandem quoque denique Rationem pluries eadem pono, ac repero, quæ jam alibi femel aut iterum in medium sunt allata; tum quia jam dicta in una parte, habent Connexionem cum ijs, quæ habentur in alia parte, vel viciffim; tum quia non femper recurrit memoria alibi diftorum, aut dicendorum; nec pauca etiam eft reperire, quæ utrique parti funt Communia, ac proinde valde Commodû accidit Lectori, fi eorum Refolut. reperiat, five eam in hac, five in alia hujus Libri Parte, aut Tit. investiget.

In II. Vesperis, fi *Feflum duplex minus* Concurrat cum fequenti *Feflo duplici* 1. *Classis*, integræ Vesperæ dicuntur de fequenti, nihil autem in ijs fit (nequidem Commemoratio) de præcedenti.

2. Si autem in 2. Vesperis *Feflum duplex minus* præcedens concurrat cum *Feflo duplici* 2. *Classis* fequenti, rurfus quidem integræ Vesperæ dicuntur de fequenti, fit tamen in ijs Commemoratio de du-

plici minore præcedente, excepto *Feflo* duplici minore in II. Vesperis concurrente cum *Feflo Circumcifionis*; hæc enim, ut in Ecclefia univerfali fit tantum *duplex* 2. *Classis*, in primis tamen fuis Vesperis non admittit Commemorationem de *Feflo dupl. minore præcedente*, nempe de *Sabbat. Vefiro*, uti conftat ex propria Rubrica.

3. *Feflum duplex minus* concurrans in fecundis Vesperis cum fequente alio *duplici minore*, regulatè vidit cum hoc Vesperas, ita, ut utique ad Capitulum dicantur regulariter de præcedente, à Capitulo vero de fequente, cum Commemoratione præcedentis. Excepiendum videtur *Feflum S. Mariæ de Morte Redemptoris Captivorum*, de quo utique digniore in Concurfu cum *duplici minore* minus digno funt integræ dicendæ in Ecclefia etiam univerfali, cum Commemoratione minus digni ob Rationes alibi allatas. Quòd fi unum *duplex minus* cum alio, quoad Ritum & dignitatem æquali concurrans fit *Feflum fimplici*, alterum verò non fit *Feflum fimplici*, ut non obftante ea diverfitate, ab extrinfeco & per accidens interveniente, adhuc dividunt Vesperas, ut licubi notat P. Gobat, allegans pro hæc fuâ Doctrinâ Refponfum quoddam Romanum: eamque confirmat praxis plurium Germaniarum, & Ducefeon, in quibus, non obftante, quòd *Feflum S. Mariæ Mag.*

idena sic quibusdam in locis *Festum* *feri*, non item *Festum S. Apollinaris*, nihilominus 2. *Vesperæ S. Magdalenæ* dicuntur de ipsa etiam ibi non nisi usque ad Capitulum, à Capitulo verò de *S. Apollinare*, cum Commemoratione præcedentis. Idem Contingit circa *Festum S. Basilij*, & *Festum S. Viti ac Soc.* ubi hoc posterius est duplex minus, atamen simul *Festum feri*, non item prius; nam eorum ed in locò *S. Basilij* vendicat sibi dimidium *Vesperarum* pridie *S. Viti*, & *Socior*: isti autem pro se non nisi alterum dimidium, cum Commemorat: præcedentis.

4. *Festum duplex minus* Concurrentens in 2. *Vesperis* cum sequente *Festo semiduplici* integras de se recipit *Vesperas* (nisi occurrat infra *Octavam* *Nativitatis Domini*) cum Commemoratione de *Festo semiduplici* sequente: quæ quidem *Festi semiduplici* Commemoratio juxta Rubric. de Ordine Commemorationum fieri debet ante Commemorationem de *die infra Octavam*, ante *Festum* verò *semiduplex* præmittit Commemoratio *Dominica*, si quæ hodie unà cum *Festo duplici* occurrat: tametsi enim alioqui *dies infra Octavam* in casu, quo *Festum semiduplex* cum ea concurrat, jus habeat (*regulariter loquendo*) ad *Vesperas* à Capitulo de se dicendas, ex speciali tamen *Dispositione* Rubricæ post *Tabulam Concurrentia* extantis Com-

memoratio *semiduplici* ante Commemorationem *diei infra Octavam* est facienda, ut patet in 2. *Vesperis S. Thomæ Cantuariens.* Et ratio est; quia *Festum semiduplex* est nobilius *die infra Octavam*, quæ est sola *Festi Continuatio*. Pisart in *Tit. IX. Rubr. Gener. n. 5.* Si autem duplex minus occurrat *infra Octavam Nativitatis Domini*, dicuntur *Psalmi* & *Antiphonæ* (quæ duplicantur) de *Nativitate*, & tantum à Capitulo fit de *Festo duplici*, cum Commemoratione *Officij semiduplici* sequentis, & *Octavarum*, &c. ut ibi.

5. *Festum duplex minus* concurrentens in 2. *Vesperis* cum sequente *Dominica* (seu *major* ista sit, seu *minor per annum*) regulariter loquendo exigit integras *Vesperas* cum Commemoratione *Dominica* sequentis. Dixi: *regulariter loquendo*; Nam *infra Octavam Nativitatis Domini*, *prima ac secunda Vesperæ* *Festorum* eò modò sunt ordinandæ, quò ibi præscribitur in *Breviario*.

6. *Festum duplex minus* concurrentens in *secundis Vesperis* cum sequente *die infra Octavam*, regulariter loquendo pariter integras requirit de se *Vesperas*, de *die infra Octavam* autem solummodo Commemorationem. Dixi rursus: *regulariter loquendo*; Nam *infra Octavam Nativitatis Domini* *primæ ac secundæ Vesperæ* *Festorum* Ordinantur, ut ibi.

7. Festum duplex minus in 2. Vesperis concurrans cum sequente die Octava ejusdem Classis, sive Ritûs, regulariter loquendo dividit illas cum die Octava subsequente de qua proinde dicuntur à Capitulo, cum Commemoratione tamen Festi præcedentis. Dixi: *ejusdem Classis*, seu Ritûs; Item: *regulariter loquendo*. Excipitur enim 1. dies Octava Nativitatis Domini, de qua (urpote *duplici 2. Classis*) non modo integræ dicuntur Vesperæ, sed etiam nulla sit in ijs de præcedente Festo *duplici minore* (nempe S. Silvestro) Commemoratio. Excipitur 2. dies Octava Ascensionis, ac Ss. Corporis Christi, in cujus utriusque primis Vesperis totum Officium sit de die Octava, cum Commemoratione tamen præcedentis Festi *duplicis minoris*; dico: *minoris*; nam si foret duplex solenne principale, seu primæ, aut secundæ Classis, tunc de Festo fieret Officium, & Commemoratio tantum de die ejusmodi Octava, ut dicitur in Rubrica extante post Tab: *Concurr.* quia licet neutra dictarum duarum Octavarum tanquam *duplex majus*, aut certe *dignius* cedat *duplici minori*, imò nec *majori*, cedunt tamen ambæ *duplici 1. & 2. Classis*. Excipitur 3. quæcunque dies Octava B. V. urpote quæ ex Decreto Sac. Rit. Congregation: integras habere debet utraq; Vesperas in Concur-

rentia cum Festo duplici minore, non obstante, quòd alioqui *dupl. Octava non privilegiata* dimidiet Vesperas in Concurrentia cum Festo *duplici minore*.

8. Festum duplex minus in secundis suis Vesperis admittit præterea Commemorationem de Festo *simplici sequente*, item de sequente Officio S. MARIE in Sabbato, cum quorum alterutro, aut etiam utque simul si concurrat, in secundis Vesperis Festi ejusmodi *duplicis minoris* omnia dicuntur de Festo *duplici*, cum Commemoratione sequentis Festi *simplicis*, aut Officij S. MARIE in Sabbato (nisi Festum duplex, præcedente Feriâ VI. occurrens, tunc Festum ipsius B. V.) vel etiam utriusque simul, si in sequens Sabbatum, in quo sit de S. MARIA in Sabbato, simul incidat Festum *duplex*; sed tunc Commemoratio de S. MARIA facienda est ante Commemorationem de Festo *simplici*, nec postriede de hoc dicenda est ultima Lectio, sed de B. V. in Sabbato ibi. Nota hic, quòd etiam pridie B. V. in Sabbato in 2. Vesperis Festi *duplicis minoris*, aut *majoris* ita sit tantum Commemoratio de sequenti Officio B. M. V. in Sabbato, nihilominus Hymnus Completorij terminandus sit per Versa; *JESU tibi sit gloria, qui natus es* &c.

9. Festum duplex minus ad-

mittit denique in secundis suis Vesperis etiam Commemorationem de Feria occurrente majore Adventus, et Quadragesimæ, non autem de illa Feria, seu majore seu minore, ut nec de Vigilia; quia enim harum omnium Officium jam integrè terminatur ad Nonam, non potest cum istarum Officij concurrere in secundis suis Vesperis. Excipitur tamen Vigilia Epiphaniæ, de qua, habente Ruum semiduplicem, fit Commemoratio in secundis Vesperis Of-

ficij præcedentis, sed ante Commemorationem de S. Telesphoro, ut ibi.

In Laudibus & Missa admittit Festum duplex minus Commemorationem de quacunq; Dominica occurrente per annum, item de quacunq; die infra Octav. nec non de quacunq; Feria majore, Vigilia, ac Festo simplici, si die, quò fit de Festo duplici minore, occurrant, ut constat ex suprâ dictis de Occurrentia & Concurrentia Festorum duplicium minorum. Nunc sit

§. V.

De Occurrentia, & Concurrentia Festorum semiduplicium.

ESTA SEMIDUPPLICIA sunt ea, quibus in Calendario, vel Proprio Sanctorum vox semiduplex apponitur, & interdum in aliquibus Locis ex Concessione Summi Pontificis etiam Festa illorum Sanctorum, de quibus Reliquiæ non indignes habentur. Distinguuntur Festa semiduplicia à duplicibus 1. quòd in posterioribus Antiphonæ in Matutino, Laudibus, & Vesperis duplicentur, hoc est, ante & post Psalm: ac Cantica integrè dicantur, non item in prioribus. 2. Quòd in Duplicibus Commemorationes Communes, seu Stragalia Communia non dicantur, di-

cantur autem in Festis semiduplicibus, nisi hæc occurrant infra aliquam Octavam, aut veniant infra illud Tempus, quod est ab Adventu usque ad Octavam Epiphaniæ inclusivè; vel illud, quod est à Vesperis Sabbati ante Dominicam Passionis usque ad Feriam II. post Octavam Pentecostes. 3. Quòd in duplicibus nullæ dicantur Preces Dominicales ad Primam, & Completorium, dicantur autem in semiduplicibus, nisi hæc veniant infra aliquam Octavam. A simplicibus verò Festis distinguuntur Festa semiduplicia, quòd ista novem Lectiones, tres Nocturnos, & primas ac secundas Ve-

¶ Pars III. ¶

¶ F ¶

spe